



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

REPUBLICA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. 2-D/DPK	Nr. Prot. 01-1103/14
Dep. 03	Br. Prot. 21-03-2014
Nr. i faq. 03	Data 21-03-2014
Broj stranica 03	Date 21-03-2014
Nr. pages	PRISHTINË

DATË/A:	21/03/2014
REFERENC-Ë:	AKK-DPKPP
PËR/ZA/TO:	z. Abdulsatar IBRAHIMI Drejtor i Departamentit të Prokurimit në KOSTT sh.a
CC:	z. Naim BEJTULLAHU Kryeshf Ekzekutiv në KOSTT sh.a
NGA/OD/FROM:	z. Hasan PRETENI Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me Tenderin: "Instalimi i Grupeve Matëse në kufirin në mes të KOSTT/KEK/OSSH"



I nderuar z. IBRAHIMI

Duke u bazuar në nenin 5 paragrafi 1 nën paragrafi 1.12 të Ligjit për Agjencinë kundër Korrupsionit nr.03/L-159 dhe nenin 19 paragrafi 1, nën paragrafi 1.6 të Ligjit për Parandalimin e Konfliktit të Interesit në Ushtrimin e Funkcionit Publik, lidhur me tenderin "Instalimi i Grupeve Matëse në kufirin në mes të KOSTT/KEK/OSSH" me nr. prokurimi: KOSTT-13-84/12-511, Agjencia kundër Korrupsionit ofron këtë:

OPINION

Kërkohet nga ju si autoritet kontraktues, që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin "Instalimi i Grupeve Matëse në kufirin në mes të KOSTT/KEK/OSSH" me nr. prokurimi: KOSTT-13-84/12-511 në mënyrë që të respektohen dispozitat përkatëse të Ligjit nr.04 – L/042 për Prokurimin Publik.

A r s y e t i m

KOSTT, si Autoritet Kontraktues ka përgatitur “Njoftimin për Kontratë” me titull: “Instalimi i Grupeve Matëse në kufirin në mes të KOSTT/KEK/OSSH” me nr. prokurimi: KOSTT-13-84/12-511. Ky aktivitet prokurimi më datë 25/02/2014 është publikuar në Komisionin Rregullativ të Prokurimit Publik. Agjencia Kundër Korrupsionit ka identifikuar këtë aktivitet Prokurimi si rast për trajtim dhe gjatë ekzaminimit të aktivitetit të prokurimit nga “Dosja e Tenderit”, Agjencia Kundër Korrupsionit ka hasur në disa të dhëna që nuk janë në përputhje të plotë me Procedurat e Prokurimit në Kosovë.

Në Seksioni II. Fleta e të Dhënave të Tenderit (FDT), pika 8.1, Kërkesat mbi gjendjen ekonomike dhe financiare, kërkohet: Qarkullim financiar nga viti 2011 së paku: 8.000.000,00€ (i dokumentuar me kopje të kontratave dhe vlera të kontratave). Autoriteti Kontraktues nuk mundet të kërkojë qarkullim financiar shumë e cila kalon dyfishin e vlerës së parashikuar të kontratës, ndërsa qarkullimi financiar nuk mundet të dëshmohet me kontrata. Me kontrata mund të dëshmohet natyra e punës, por në asnjë mënyrë qarkullimi financiar.

Në Seksioni II. Fleta e të Dhënave të Tenderit (FDT), pika 9.1, Kërkesat mbi mundësitë teknike dhe/ose profesionale, kërkohet: Origjina e transformatorëve matës duhet të jetë nga Kompani-prodhues të cilat kanë furnizuar së paku nga 1000 transformatorë matës të nivelit 10kv e ma lartë në vendet e BE, DUKE MOS LLOGARITUR VENDIIN E VET nga viti 2010 e deri me tani(duhet të prezantohet me dokument). Autoriteti Kontraktues ka paracaktuar dhe kufizuar origjinën e produktit, me paracaktimin e vendit të origjinës për produktet furnizuese, Autoriteti Kontraktues favorizon Operator të caktuar Ekonomik dhe në të njëjtën kohë diskriminon të tjerët. Autoriteti mund ti referohet një standardi vendor ose ndërkombëtar (siç edhe i është referuar në Dosje të Tenderit, Certifikatat ISO për produktet që liferohen NJEHSOR, TRANSFORMATOR MATES, KABLLO ELEKTRIKE DHE MBROJTJE RELE) për furnizim me produkte, por assesi të kufizohet nga vende të caktuara. Bazuar në legjislacionin e vendit dhe ligjeve në fuqi, një gjë e tillë nuk është e lejuar dhe nuk i jep hapësirë konkurrencës së lirë dhe legale. Përcaktimi i specifikimeve teknike që referohen në një prodhim specifik ose burim, ose një proces të veçantë, ose marka tregtare, patenta, lloje ose origjina specifike ose prodhime, është si rregull i përgjithshëm i ndaluar. Megjithatë, një referencë e tillë mund të përdoret në raste të veçanta, nëse referenca e tillë përcjellët me fjalët “ose e barasvlershme”.

Bazuar në dokumentacionin e ofruar nga Autoriteti Kontraktues, Agjencia Kundër Korrupsionit ka konstatuar se ky aktivitet prokurimi nuk është paraparë nga Autoriteti Kontraktues në Planifikimin e Prokurimit gjatë tre viteve të fundit (2012,2013,2014)

Konsiderojmë se veprimet e Autoritetit Kontraktues bien ndesh me nenin 7 Barazia në Trajtim/ Jo-Diskriminimi; Neni 8 Planifikimi i Prokurimit; nenin 27 Dosja e Tenderit; Neni 68 Gjendja Ekonomike dhe Financiare të Ligjit për Prokurimin Publik Nr.04/L-042; pika 18 Specifikimi Teknik nga Udhëzuesi Operativ i prokurimit Publik si dhe Neni 5 Gjendja Ekonomike dhe Financiare i Udhëzimit Administrativ 02/2014



Agjencia Kundër Korrupsion rekomandon që të veprohet në mënyrë të drejtë gjatë tërë ciklit të prokurimit pa imponuar obligime të panevojshme ose pengesa për operatorët ose operatorët ekonomik potencial.

Agjencia Kundër Korrupsion konsideron se praktika të tilla nuk duhet lejuar, andaj rekomandon anulimin e këtij aktiviteti, duke mos i përsëritur praktikat e ngjashme në të ardhmen.

Autoritetet Kontraktuese e informojnë Agjencinë për veprimet e ndërmarra.

Me respekt!